

金石萃編未刻彙

下

重修華嚴堂經本記

正書

碑長四尺六寸寬三尺
二十三行行三十五字

范陽逸人賈志道撰并書

至正改元夏四月有高麗國僧名慧月者因禮文殊大
士於五臺衲衣錫杖幽然脫俗路經房山縣西鄉里東
峯古梵剎名曰小西天華嚴堂其境清勝奇麗遠超市
井踈絕塵囂唯有志者居焉其堂并華嚴經本等十二
部皆石為之蓋有年矣真古今祝延

聖壽之域窮歲月綿延住僧雲至堂擁經剝者有之唯
存基址焉寺僧傳曰

三藏經宿之處也慧月留止於此不旬日閱堂戶皆刻
曰釋迦如來正法偽法凡千五百餘歲迄貞觀二年已
浸末法七十五載時群住者從茲失導者衆有僧靜琬
隨為護正法率諸弟謹化檀越共結良緣苦行即茲山
頂刊經板不勝其數莫於曠劫濟度衆生蓋靜琬肇起
于此矣其境蒲條時有樵牧者憩焉經文殘缺者斯其
由矣慧月憫其石戶摧圯經本殘缺□然惜其將來浸
泯靜琬之功而安能復其初以斯感發化緣之念志堅
而心篤幸□□政院使資德大夫龍卜高公匠作院使

大夫黨住申公慧月拜禮詳陳其事公等允其言

興大功德布施淨財千餘緡命慧月施勞董工修石戶
經本不月餘而俱□□得布施一毫不私於已聞者咸
曰施財者猶為易得人者實為難惟慧月則其入也不
□酒不茹葷儉衣食而絕物慾同歸善者幾人焉慧月
寧忘已勞而不沒人之能今立祠以紀功德揚人之善
豈慕勤劬著己之功願言所遇者化所存者功嘗謂人
曰事落成而吾適他矣豈久淹於此哉若值經廢之緣
興功者如是處佛門無愧矣同金玉局提領李持狀詳
其事刻諸石來謁其辭予不獲已姑依命撫其實錄一

二云爾

皆至正改元夏五月初八日高麗國比邱慧月立

石

大功德主 高龍卜院使 申黨住院使

山主斯滿

同緣功德主 也先不花太卿 不花怙木兒摠

管 李摠管 五關古提點禿滿達

同緣功德主 中政院使伯怙木兒 王丹夫人

同願僧 西域智諦 達而宝

補寫經板高麗國天台宗沙門達牧

金玉局提領李得全 李得 程仲玉刊

佑文成化之祠碑 正書

碑長一尺七寸寬三寸三
寸十七行行三十八字

嘉議大夫前江西等處推茶都轉運使張國寶集顏

魯公書

資善大夫陝西諸道行御史臺御史中丞趙成慶題

額

帝君于名教中最有功自三代聖王不作古風頽靡天
啓帝君職司內史凡天下嗣裔爵祿廢置予奪恢恢微
晶之中德被六合力敵造化故歷代神降出則巨儒殲
爲明神尤孜孜以忠君孝親扶植斯文化淑民心爲任

者又最大延祐中

天子下詔因舊封神文聖武孝德忠仁王冊尊爲輔元
開化文昌司祿宏仁帝君廟有靈應而易新之曰佑文
成化之祠劔門原廟存焉蜀人虔事天下名卿鉅公賢
大夫士咸感帝君德善所在立祠秦中未有一日誠士
馮敬珪承厥考之遺言慕帝君之靈貺與子鏞乃捐己
財以卜善地得爽壇而營之勾工度材以壯厥居以安
神棲垣墉紆迂雄亘通衢夔棟穹隆翬飛數尺丹青赭
堊以壯侍衛銅鏤斧藻以美輪奐造焉者祇肅過焉者
悚懼凜凜其威人始知輔元開化文昌司祿宏仁帝君

之神祠也神以祠而見人之敬耳人以祠而知神之靈也
 也因神之靈人起修省之心趨風結軌如萬折朝東羣
 鳥趨鳳是祠不可謂無益矣敬珪堅恪誠心獲力不怠
 雖浮言所搖不改其志廟成越三季走詞成都懇予以
 記夫道渙而爲氣氣運而爲精精變而爲神神化而爲
 靈出乎自然者也維神也得自然之妙用顯不測之威
 靈稟氣含精出入無間與道爲一与天爲徒如月在天
 如水行地在周乃張仲孝友在晉爲亞子耳旣爲儒者
 師乃補神之職彰明善惡進取賢能時若雨暘作新人
 材弼國爲堯舜之君迪民爲雍熙之民校陰隲于忠孝

之場權其小大輕重而中持衡者乃分內事也人樂爲
之祠予特書以記至正癸未冬十月望錦城隱士張勤
撰

奉元路東關馮敬珪洎男鏞等立石

武林弭菑記 正書

碑長四尺七寸寬三尺四寸
共十六行每行四十字

至正二年四月一日杭城大菑燬民廬舍四萬有畸明年五月四日又菑作於車橋火流如烏亭如梧衝所指即炎勢且偏西湖書院在官正徒奔走莫遑救武守府守雖亢而無所於用肅政司在院東於時憲副高昌幹藥公覃懷李公憲僉大名韓公知事廣平張公照磨睢陽張公齊面火扣首曰火寧焚予躬勿民災也言一脫口風從西北轉東南若有神幟煽而返者鬱收焰及院北垣即銷滅沉去又若金支赤蓋度河而溺也繇是院

與司皆按堵如故而城郭郊保賴以安全院之山長毗陵錢瓊偕城中高年尋余西湖之陰請紀其事辭弗獲則為之言曰迅矣哉天之以火警人也敏矣哉人之以心迴天也當鬱攸之勢卷土而至雖水犀百萬之兵莫能敵也而憲府官併心一念裨及于躬憂及乎民而反風息火之應捷於景響子產曰天道遠人道近人遂以天為虛無曠邈不與人接不知其遠者在其道之近者耳故閱譽于菑而知有天道者以此於乎吾觀劉昆事而徵於今仁人一念之利索於無為者固優於丈城表道之力夫火者哉宋璟都督廣州民居無延燬且為立

人六

紀頌今風紀者之德為出政之本足以迴天弭變於是
乎知有天道固宜詳錄其官氏登諸貞石以風勵有民
社者使知人之感天者至敏而天之應人者至近不遠
也於是乎書賜進士出身承事郎前台州路天台縣尹
兼勸農事楊維禎撰文林郎江洲等處儒學副提舉陳
邁書奉政大夫江浙等處儒學提舉班惟志篆蓋至正
三年十二月望日耆儒朱慶宗張慶孫教導葉森姚潛
儒職葉寶孫張榮老盛明德陳珪殷宏毅家鼎孫范儉
孫陳垣孫吳禎直學朱儼莫維能學吏葉庭桂耆老呂
大榮徐永德沈從善張翥劉道隆顧德潤程德晉吳元

澤沈富仁蘭德誠等立石

刻者謝文炳

重建東嶽廟記 正書

碑高七尺六寸寬四尺五寸七
分共二十二行行四十字

前太平路儒學經師錢鐸撰

中大夫太平路總管兼管內勸農事胡國安書丹

中奉大夫江南諸道行御史臺治書侍御史秦從德
篆蓋

維五嶽分鎮天下各有分土東嶽品秩最尊是謂岱宗
界域既廣行祠故多當塗浮岬山其一也山雖未甚高
峻而神之靈則有功於民雨暘疾沴有禱必應一境之
內賴以寧謐嘗聞天子祭天下名山大川諸侯祭境內

山川為民求庇賴爾淳邛行祠當塗一郡之司命嘉寧
殿舊建于宋皇祐三年辛卯越政和三年甲午重行建
造惟我

皇元混一以來至元統元年癸酉歲月既深棟宇朽腐
神弗安靈時郡守哈刺那海公凡治下廟宇損壞勸率
脩整郡人吳松山一鄉之望也居相近毅然出力以為
之倡衆固哀集以輔之及益以本廟香錢而用實不敷
翁志捐已財以終其事未幾而翁卒越三年至元丙子
淑明殿為融風所扇延及大殿與凡脩祀之所豈神厭
其卑陋而不屑居之耶殆天數之偶然爾至元四年戊

寅監縣遜都乡公出已俸以為脩廟之資松山翁之子
起之方爾慨父之成功中廢乃以繼志述事為責然所
用材料視昔加數倍大率增多兩廡神祠殿宇地位脩
廣宏濶故也經營量度晨夜不息懼無以愜父之初志
黜聖丹漆多未脩竭力數年而後成吁此一神居也吳
氏父子不憚勤勞不吝資貨始之終之克成厥初厥矣
福田利益之未有艾也且以太平一路言之所屬三縣
戶幾十萬縣蒙神佑無一如吳氏之用心者豈不艱斯
得乎以父子數載之勤勞起郡縣萬年之瞻敬集百孤
脆而成一裘雖若藉衆美而綴緝組紃之功實多況又

補助其不及而卒臻於大成此繼志述事之大者人皆
義其所為是固宜書親舊間為立石以紀其事命余識
之余則以為有吳氏自述本末勒之堅珉矣奚庸贊然
亦不敢逆諸公之美意於是乎書

至正四年甲申建子月望日太平路醫學教授陸
子明學正朱□廣福禪寺住持釋惟益縣吏邵惟
德高年士民池文鮑紹祖湯迪馬天祥喻汝政儲
君良潘良輝楊□□□□胡□陸惟恭趙起元
朱紘潘勝祖黎德壽王顯宗喻子聰周仁薄杭元
壽丁安富陳德魁張立新蔡文通孫天麟立石